

16
Q. D. T. O. M. B. V.
DISSERTATIO INAUGVRALIS MEDICO-
PHYSIOLOGICA

DE

QUALITATIBVS
CORPORIS HVMANI HEREDITARIIS

Q V A M

RECTORE MAGNIFICENTISSIMO AVGV-
STISSIMO AC POTENTISSIMO
REGE AC ELECTORE
GEORGIO II.

AVCTORITATE GRATIOSI ORDINIS MEDICI
IN

VNIVERSITATE GEORGIA AVGVSTA

PRO SVMMIS IN ARTE SALVTARI HONORIBVS
AC PRIVILEGIIS RITE CONSEQVENDIS

D. III. DECEMB. MDCCLV.
PVBLICAE EXAMINI SVBMITTIT

IOH. HENRICVS BÜTTNER
RATISPONENSIS.

GOTTINGAE

APVD ELIAM LVZAC.

SACRI ROMANI IMPERII

LIBERAE ET AVGVSTAE REIPVBLICAE

RATISPONENSIS

MAGNIFICO SENATVI

DOMINO CAMERARIO

CONSVLARIBVS

CAETERISQVE

SENATORIBVS

VIRIS

ILLVSTRIBVS MAGNIFICIS

STRENVIS PRAENOBILISSIMIS

PRVDENTISSIMIS AMPLISSIMIS

EXCELLENTISSIMIS CONSVLTISSIMIS

PATRIBVS CONSCRIPTIS
DOMINIS MVNIFICENTISSIMIS
PATRONIS AC MAECENATIBVS SVIS

SVMMA PIETATE AD CINERES VSQVE

COLENDIS

HOC SPECIMEN STVDIORVM SVORVM

INAVGVRALE

TANQVAM TESSERAM DEVOTAE
SVAE OBSERVANTIAE

D. D. C.

TANTORVM NOMINVM

CULTOR AC CLIENS OBSEQVENTISSIMVS

IOH. HENR. BÜTTNER



DISSERTATIO MEDICA INAUGVRALIS
DE
HEREDITARIIS NATVRAE HVMA-
NAE QVALITATIBVS

§. I.

Naturam Humanam appello conjunctam rerum, ex quibus homo constat, vim, tanquam principium ex quo cuncta hominis sibi relictæ phœnomena sponte fluunt. Quo sensu cum receptam sequi videor hujus vocabuli significationem, tum antiquissimam ejusdem adoptare explicationem, quæ quidem a Medicis tacta sit & in horum scholis auctoritatem obtinuerit. Nam quod ad primum attinet, sane, quum dicitur ex. c. *Natura hujus vel illius robusta aut infirma est, mea Natura hoc vel illud commode vel aegre fert, Natura hominis*
A sibi.



sibi met ipsa contra morbos opem praestat, & quae sunt ejus generis plura; nihil aliud intelligitur, quam composita partium, ex quibus homo in unam substantiam coaluit, essentia, quae quidem partes suis singulae viribus instructae sunt, sed omnes in unum, nimirum conservationem vitae conspirant.

§. II.

Eodem redit communis Medicorum sententia, quando hoc vocabulo utantur: Cui comprobando suffecerit, si vetustissimus solum autor, unde ad reliquos Medicina promanavit, HIPPOCRATES cum interprete suo GALENO, in medium afferatur. Hic scribit 1) *corpus hominis in semet ipso habet sanguinem & pituitam, & duplicem bilem, flavam scilicet & atram, atque haec sunt ipsi Natura corporis.* Et alio loco, 2) *Natura humana ipsa sibi vias & rationes agendi invenit, non ex cogitatione & ratiocinio, sed sicut fit ex gr. nictatio oculorum, Natura, quamquam non instituta est, neque antea didicit, tamen sponte sua facit, quae fieri debent.* Et iterum 3) *Res naturales quae agunt, speciem quidem praebent, ac si eadem ex intellectu, cognitione, ac perspicientia peragerent; verum tamen omnia ipsorum opera per necessitatem à Deo impostam contingunt, sive velint sive nolint.* GALENVS autem ait 4) *Quando Naturam dico, universam intelligo substantiam hominis & commixtionem principiorum, &c.* Ex quibus perspicuum fit, ab antiquissimis usque temporibus *Naturam* appellatam esse rationem conjunctionis rerum partiumve, ex quibus homo constat, & quae viribus insitis gaudent, atque cum in se mutuo, tum conjunctim ad communem scopum agunt, non

1) de *Natura Humana* Cap. V. versus finem.

2) *Epidemior.* Lib. VI. Sect. V. ab initio.

3) de *Diaeta* Lib. I. Sect. VI. commate 21. seqq.

4) de *Temperamentis* Lib. III. Cap. IV;



non vero ad solam Animam Rationalem, vel similem aliquam substantiam, neque ad solum Mechanismum corporeum, hanc vocem restringi posse, nisi angustiore illam conceptu includere velimus, quam par est, sicut non parum multi fecerunt.

§. III.

Hereditarias autem humanae Naturae Qualitates vel affectiones appello, quicquid liberi posterive à parentibus aut maioribus, in quibus idem jam antea extiterat, acceptum habent in partibus membrisque sui corporis, earumque compositione in animae rationalis viribus & facultatibus, in animi moribus, in omnibus & singulis actionibus spontaneis, & quae praeterea ad naturam pertinent; verbo quicquid per generationem propagatur. Et non incommode, puto, talia dici posse Hereditaria, vocabulo a forensi ratione ad naturalem constitutionem traducto. Nam, quemadmodum res & facultates juraque & aes alienum Parentum, vel & aliorum majorum aut cognatorum agnatorumve, semper tamen nomine sive respectu parentum, in Liberos posterosve, aut consanguineos Hereditate civili transferuntur; ita quoque pariter existimare licet, dotes ac proprietates quibus genitores aut progenitores cum suis conjugibus, propinquiore aut remotiore, gavisi sunt, in natos atque posteros Hereditate quasi Naturali transmitti. Hujusmodi proprietates, pro diverso respectu, vocantur etiam *Parentales*, aut *Gentilitiae*, nec non *Genitales*, *Connaturales* 5) similibusque nominibus aliis, ab Helmontii schola *Archeales* 6) &c. Opponuntur iisdem *Adventitiae* vel *Ascititiae* qualitates.

§. IV.

5) GVERNER. ROLFINCIUS *in ordine ac Methodo Medicinae Specialis* Lib. III. Sect. 2. Cap. 28. & 35. LUDOV. MERCATVS *de Morbis Hereditariis* Operum Tomo. II. pag. 669. seqq. Edit. Francof. 1619. f.

6) Vid. ex. c. IOH. FRID. DE PRE disp. *de morbis Archealibus*. Erfurt, 1702.



§. IV.

Ex ante proposita descriptione ejus, quod Hereditarium est, patet, minus recte eo nomine appellari posse id, quod *Congenitum* aut *Connatum* est, etsi HIPPOCRATES, 7) LVDOV. MERCATVS 8) BRVNO SEIDELIVS, 9) GVERNER. ROLFINCIVS, 10) CASPARVS A REJES, 11) alique, hanc distinctionem neglexerint. Quamquam enim fieri possit, ut infans, dum in lucem editur, jam proprietates 12) aliquas ostendat, quas ex procreatione vel stirpe sua concepit, tamen, quod Hereditarium est, praeterquam quod ex generatione proficiscitur, ordinarie demum post partum, nunc longiore, nunc breviori temporis intervallo, se prodit: Contra, quod *Congenitum* seu *Connatum* est, mox ab utero secum in lucem affert novus mundi hospes, & manifesta jam ejus indicia gestat; eaque notâ *Connatum* ab *Hereditario* distinguitur. Paucis, omne quod Hereditarium est, certo quidem respectu quoque connatum est; sed non vicissim, quicquid connatum est, semper etiam Hereditarium est. Ut proinde merito differentiam inter utrumque statuerint DVNCANVS LIDDELIVS, 13) DAN. SENNERTVS 14) DERMVTIVS DE MEARA 15) GVALTER. CHARLETONVS, 16) MART. SCHVRIGIVS, 17) HERMAN. BOERHAAVIVS, 18) caet.

§. V.

- 7) *de Morbo Sacro* Sect. V. *Prorrhethico* II. Sect. XI. in principio.
- 8) alleg. loco.
- 9) *de Morbis Incurabilib.* p. 7. Edit. Francof. 1593. 8.
- 10) dicto loco.
- 11) *in Elysio Campo*, Quaest. LIV. num. 17.
- 12) Non intelligo proprietates aut affectiones hominum communes, sed eas quibus iidem a se invicem differunt.
- 13) *in Arte Medica* Lib. III. Cap. I. versus finem, Operum p. 107.
- 14) *in Institutionibus Medicinae* Lib. II. Parte I. Cap. XI. §. VII.
- 15) *in Pathologia Hereditaria*, Cap. I. post principium.
- 16) *in Exercitationibus Pathologicis*, Exercit. III. Artic. 7. p. 39. sqq.
- 17) *in Spermatologia*, Cap. IV. p. 40.
- 18) *in Praelectionib. in proprias Institutiones Medicinae*, Tomo. VI. §. 735.



§. V.

Simili ratione, quod per *Contagium* propagatur, Hereditarium appellari nequit. Contagium enim non à natura corpori inhaeret, sed aliunde accedit, eademque, qua priores seu contagiosum miasma transmittentes affecti fuerant, labe plerumque mox inficit attactos: quum ex adverso Hereditarium saepenumero diutius in corpore absconditum lateat, antequam manifestetur. Contagiosis autem affectionibus potiori jure, quam hereditariis accensentur illae, quae cum lacte tenellis instillantur à nutricibus aut ipsis adeo matricibus, proptereaque *Connutritae* vocari poterunt: etsi IOH. BAPTISTA HELMONTIUS 19) eas referat ad Hereditarias.

§. VI.

Neque, quod per *Imaginationem* gravidarum liberis inducitur, ut Naevi sic dicti Materni, similiaque Hereditarii generis esse putandum est: Etenim talia non ante in parentibus adfuere, neque a generatione insunt embryonibus, sed a causis externis, in matris animi perturbationes agentibus, accedunt; secus ac in Hereditariis fit affectionibus. Caeterum, quum nonnulli negent, Imaginationem matris in foetum quicquam valere & naevos inducere, sed falso talia propter levem cum rebus oblati similitudinis speciem pro effectis imaginationis haberi, aliis è contrario communem opinionem tuentibus; equidem hanc controversiam in medio relinquo: non tamen inficior, illam mihi magis verisimilem videri sententiam, quae naevos saepe ab imaginationis viribus produci defendit, quoniam quam plurima prostant talium effectuum exempla experientiaeque testimonia, quae cunctas probatae fidei notas gerunt, neque facile in dubium vocari possunt; nisi ab iis, qui quic-

A 3

19) in Tractatu, *Infantis nutritio ad vitam longam, in Operib.*
p. 477. edit. Lugdun. 1667. fol.



quicquam admittere nolunt, cujus rationem ac modum ipsi plane perspicere nequeunt, quod tamen argumentum in plurimis experientiae documentis haudquaquam satisfacit. Quam eandem ob causam quoque non nego, posse saepe fieri, ut, quemadmodum reliqui matris affectus animi, sic quoque phantasia in ipsa foetus conceptione se immisceat, & sic similem embryoni indolem imprimat: Qualis natura, quum ex generatione profluxerit, tum utique foret Hereditaria, licet ab Imaginatione ceperit originem.

§. VII.

Multo minus, quam priores, Hereditariorum affectionum classi adscribo eas, quae peculiare Regionum conditiones, constitutionem coeli, populorum vivendi rationem & consuetudines, pro causis agnoscunt, proptereaque vocari solent *Endemiae*. Quamquam pariter, ac praecedente thesi, concedo, posse gentium mores in procreationem liberorum influere, ita, ut ex. gr. laete laetueque vivens natio similem propensionem in liberos propaget: in otio degens, amorem otii: fervituti vel imperantium obsequiis assueta, animum parendi dominosque ferendi: in libero voluntatis ac cupiditatum arbitrio adolescens studium libertatis; & sic porro. Cujusmodi habitus ac dispositiones, quatenus à parentibus transeunt in liberos, etiam in Hereditariorum numero recte habentur: Si vero non à parentibus sunt, Hereditariis qualitatibus accenseri non debent. Breviter omnes affectiones, aut qualitates, quae & quatenus ex aliis, quam Hereditariae, causis nascuntur, hactenus ab hujus nominis societate excludo.

§ VIII.

Sed dum Hereditarium dico, quicquid ex parentibus in natos per generationem transfunditur; sane suboriri poterit dubita-



dubitatio, num revera talis affectionum communicatio, vel transitus ex parentibus in liberos fieri queat, aut omnino locum inveniat? & annon potius aliis causis adscribenda sint ea, quæ Hereditariae propagationi vulgo tribuuntur? Nimirum, quum ex sobolis procreandae ratione totum hoc negotium pendeat: si soboles, ut multorum fert opinio, jam ante parentum conjunctionem in vermiculo, vel alia quacunque formata substantia, praeexistit; non videtur fieri posse, ut aliquid a natura parentum transmittatur in liberos, sed his parentum corpora tantummodo nudum praebere hospitium: Unde porro nostra Hereditariorum qualitatum notio concideret. Ut igitur cognoscamus, quid hac in re certum sit quidve ad veritatem propius accedat, primum inquirendum videtur, quid Experientia, fidissima rerum contingentium, inprimisque physicarum ac medicarum magistra, liquido, saltem verisimillime, de hac re demonstret, vel olim curiosis & fide dignis observatoribus demonstratum dederit, enumerando exempla certarum affectionum, quas constitit ante in parentibus aut majoribus extitisse quam liberi geniti fuerant, & postea quoque in his deprehensas fuisse, nullâ alia probabili, quantum observare licuit, praesente causa.

§. IX.

Primum igitur observo, mirificam saepenumero deprehendi *Similitudinem* inter Parentes & Liberos, ita ut hi formam, habitum, gestum, incessum, naturam, animum, & manifestas proprietates totius corporis aut singularium partium, vel patris, vel matris, vel amborum in diversis locis, exacte referant. Hoc apud omnes in confesso est: & qui negare vellet, facile passim & ubique oculorum testimoniis convinci posset! Quid? quod integrae nationes certam perpetuo servant nativam similitudinem? sicut in Judaeorum gente videre licet, qui



qui omnes ferme & singuli generalem quendam characterem in vultu expressum gerunt, inde Judaeos esse agnoscas. Eodem pertinent *Notae Gentilitiae*, id est certae membrorum aut partium corporis conformationes, quae in gente seu familia aliqua perpetuae & ita propriae sunt, ut inde signum haut dubium capiatur, eum qui hanc notam gerit, minime nothum aut insititium esse, sed genuinum ex stirpe surculum 20).

§. X.

Quod quo magis confirmetur, consideremus singulares similitudinis in partibus species, quas fide digni autores testantur à parentibus innatos per generationem migrasse. Sic in Conformatione, Situ, Nexuque partium citantur *Atreti*, ut imperforata penis glans in viro nobili, a materno ducta genere, cui per longam avorum seriem id vitium dicebat fuisse gentilitium, apud ROBERT. LYONNET. in Dissertatione *de morbis hereditariis, qua probatur, affectus morbosos Ludovici XIII. fuisse adventitios, non procreitios, non hereditarios* Paris. 1647. 4. pag. 80.

Alvi Laxitas, MISCELLANEA NATURAE CURIOSORVM, Decuria II. Anno VIII. observat. 169. pag. 419. *Caesii* HIPPOCRAT. *De Acre, Aquis & Locis* Cap. 36. *Calvities* Id. ibid. AVICENNA in *Canone* Lib. I. Fen. 2. Doctrina I. Cap. 8. in fine. *Cicatrices*, ARISTOTELES *de Generatione Animalium* Lib. I. Cap. 17. & in *Historia Animalium* Lib. VII. Cap. 6. vel 9. Sectione 76. Editionis Maussaci, Tolosae 1619. fol. pag. 830. *Puncta brachii* IDEM. ibid. utroque loco.

Clau-

20) Vid. JAC. DALECHAMPIVS ad *Plinii Historiam Naturalem* Lib. VII. Cap. XII. Annotat. b. ANDR. LAURENTIUS in *Historia Anatomica* Lib. VIII. Cap. V. Quaest. XX. CASP. A REJES in *Elysio iucundarum Quaestionum Campo*, Quaest. LIV. num. 12. 13.



Claudicatio ARISTOT. in *Historia Animal.* Lib. VII. Cap. 6. Caut. 9. PET. BORELLVS in *Historiarum & Observationum Medico Physicarum* Centuria I. Hist. 7. FRANCISCVS MAVRICEAV *des Maladies des Femmes Grosses, Description Anatomique*, Chapitre IX. p. 44. Tome I. Paris 1721. 4. Ex clauda matre, claudus puer. NICOL. VENETTE *de la Generation* Part. III. Chap. 4. Artic. I. versus finem, pag. 363. Edit. Colon. 1716. 12.

Color Niger. PLINIVS in *Historia Naturali* Lib. VII. Sect. X. (aliis Cap. XII.) ex Aristotele locis citat. quo integra Aethiopum natio referri potest.

Deglutitio difficilis, VOLCHER COITER in *observat.* p. 121.

Digiti praeter naturam facti: sedigitorum, integra familia, LYONNET alleg. I. p. 80. cuiusmodi etiam semper aliqui in Bilfingerorum (i. e. Vielfingerorum) gente extitere, *Hamburgischer Briefwechsel der Gelehrten* 1751. Num. 18. p. 278. *Quatuor Pollices*, CASP. DE MONCONYS in *Voyages* Tom. I. p. 13. seq. Edit. Paris. 1695. 12. *Pollex alter major*, CASP. BAVHIN *de Hermaphroditis* Lib. I. Cap. 10. p. 106. familia cui *Manus* in modum *chelarum cancri* erant effictae, LYONNET ibid. p. 80. *Membranae* inter pedum digitos *Anatinae*, GEORG. ERN. STAHL in *Theoria Medica*, Sect. I. f. Physiologia, Sect. IV. de Generatione. p. 255.

Distortio, HIPPOCRAT. *de Aere, Aquis, & Locis*, Cap. 36.

Gibbus, GEORG. WOLFG. WEDEL in *Pathologia*, p. 285.

Contorti Pedes, MARCELLVS DONATVS, *de Medica Historia Mirabili* Lib. IV. Cap. 18. in fine.

Excrescentiae in gingivis, GVIL. BALLONIUS *Epidemiorum & Ephemeridum* Libro 2. Anno 1576. Constitutione Verna & Aestiva, Tomo I. p. 114. Operum, Edit. Venetae 1734. in 4.

Fastidium quorundam ciborum, MAVRIT. HOFFMANN in *Institutionibus Medicinae*, Diss. IX.



Herniae, VALESCVS DE TARANTA in *Philonio Pharmacutico & Chirurgico*, Lib. VI. Cap. 7. in Appendicibus, p. 650. Edit. Francof. & Lips. 1680. in 4. GVIL. BALLON. Lib. cit. Anno 1578. Constitutione Aestiva, p. 159. GVIL. FABRICIVS HILDANVS *Observationum & Curationum Chirurgicar.* Centuria VI. Observ. 73. EPHEMERIDES ACADEMIAE *Naturae Curiosorum* Centuria V. Observ. 92. p. 171. MICH. BERNH. VALENTINI in *Polychrestis Exoticis.* p. 81.

Hirsuti FELIX PLATER *Observationum* Lib. 3. p. 554. ex patre.

Jaetatio capitis naturalis FORTVNATVS FIDELIS de *Relationibus Medicorum* Lib. III. Sect. III. Cap. III. p. 398. Edit. Lips. in 8.

Labeones, LYONNET. c. l. p. 80.

Labrum Leporinum, RODERIC. A CASTRO de *Muliebrium Morborum Medicina* Parte I. Lib. 2. Cap. V. p. 53. Edit. Colon. 1689. in 4.

Lusci, AMBROS. PARAEVS *Chirurgiae* Libro 23. Cap. 22. in fine.

Macrocephali, HIPPOCRAT. de *Aere, Aqua, & Locis*, Sect. 35.

Mammæ tres, OLAVS BORRICHIVS in *Thom. Bartholini Epistolis*, Centuria IV. Epist. 38.

Manci, Mutili, HIPPOCRAT. de *Genitura* circa finem: ARISTOTEL. de *Generatione Animalium* Lib. I. Cap. 17.

Memoriae debilitas, FELIX PLATER in *Praxi Medica* Lib. I. Cap. I. PHILIPP GRÜLINGIVS in *Medicina Practica* Lib. I. Part. I. Cap. 8.

Nævi, Verucae, ARISTOTEL. in *Hist. Animal.* Lib. VII. Cap. 6. (aliis 9.) JAC. BERENGARIVS CARPVS sive CARPENSIS in *Commentariis super Anatomia Mundini* p. 272. ACTA ACADEMIAE NATVRAE CVRIOSORVM Vol. I. Observat. 189. p. 420.

Obesitas,



Obesitas, JAC. WOLF. in *Diff. de obesitate exsuperante* Cap. 3. p. 20. §. 5. p. 39. seqq.

Triorchides, JOH. FERNELIVS in *Pathologia* Lib. I. Cap. VIII. THOM. BARTHOLIN. in *Anatome* Lib. I. Cap. XXII. LVD. DOV. CAELIVS RHODIGINVS in *Antiquis Lectionib.* Lib. XXIV. Cap. 4.

Urinae per octiduum retentio, CHRIST. FRANC. PAVLINI in *Miscellaneis Naturae Curiosorum*, Decuria II. Anno V. Observat. VIII. p. 2. in Appendice.

§. XI.

Aliae quoque recensentur perversae corporis affectiones & Morbi Hereditarii, videlicet:

Abscessus auris, JOH. FERNEL. in *Patholog.* Lib. I. Cap. XI. p. 135. *Universae Medicinae* Edit. Genev. 1679. fol. sed a matre cui talis abscessus octavo graviditatis mense proruperat.

Aetatum morbi veri omnes, G. E. STAHL in *Dissert. de Hereditaria Dispositione* ad varios affectus, §. 42.

Apoplexia, PET. FORESTVS *Observationum & Curationum Medicinal.* Lib. X. Observ. 75 & 80. *Operum* Edit. Francof. 1660. in fol. Part. I. p. 409. 410. 411. 419. DAN. SENNERTVS *Practicae Medicinae* Libro I. Parte II. Cap. 33. Quaest. I. FRID. HOFFMANN. in *Diff. de Morbis Hereditariis* §. VI & XXVII. STAHL in *Diff. cit.* §. 39.

Arthritis, THOM. WILLIS. de *Anima Brutorum* Parte II. Cap. XIV. p. 505 & 512. Edit. Amstelæd. 1674. in 12. AND. LAVRENTIVS in *Hist. Anatomica* Lib. VIII. Cap. 2. Quaest. V. p. 290. Edit. Francof. in fol. VITVS RIEDLIN in *Lineis Medicis* Anno III. Decemb. Observat. 21. p. 875. JO. HENR. DE HEVCHER in *Operib.* Tomo I. p. 3. *Arthriticis vaga scorbutica*, HERM. GRUBE de *Transplantatione Morborum* Sectione I. Cap.



3. p. 24. lqq. *Podraga* HIPPOCRAT. in *Prorethico* II. Cap. XI. GALENVS in *Aphorismos* HIPPOCRAT. Lib. VI. Aphorif. 28. PLVTARCH. *de sera Numinis vindicta* versus finem: AVICENNA in *Canone* Lib. I. Fen. 2. Doctrina I. Cap. VIII. in fine & Lib. III. Fen. 22. Tractatu 2. Cap. 5. FELIX PLATER *Observationum* Lib. II. p. 473. Edit. Basil. 1614. in 8. & pag. 488. Edit. Basil. 1680. in 8. IOH. FERNEL, in *Physiologia* Lib. VII. Cap. VI. p. 117. *Universae Medic. a matre.*

Asthma, PET. FOREST opere cit. Lib. XVI. Observat. 9. Operum omnium Parte III. p. 18. GVERN. ROLFINC. in *Epitome Methodi cognoscendi & curandi particulares Affectus*. Lib. 2. Part. I. Cap. 2. MISCELLANEA NATVRAE CVRIOSORVM Decur. 2. Anno 7. Observat. 133. p. 252.

Caecitas, ARISTOTEL. in *Hist. Animal*. Lib. VII. Cap. 6. Sect. 76. p. 830. IOSEPH LANZONVS in *Observat.* 125. Operum Tomo II. p. 442. Edit. Laufann. 1738. in 4. five in MISCELLAN. NAT. CVRIOSOR. Decur. 3. Anno 4. Observ. 67. p. 154. STAHL. *de Hereditaria Disposit.* §. 51.

Calculus renum & vesicae, FERNEL in *Physiolog.* Lib. VII. Cap. 6. *Universae Medicinae* p. 117. a matre: similiter ANDR. LAVRENTIVS in *Hist. Anat.* Lib. VIII. Cap. 2. Quaest. 5. p. 290. BRVNO SEIDEL. *de Morbis Incurabilib.* p. 9. HERM. GRVBE *de Transplantat. Morbor.* Sect. 2. Cap. I. p. 44. seqq. MISCELLAN. NATVR. CVR. Dec. 2. Anno 5. Observ. 63. STAHL. in *Dissertat. de nova pathologia calculi. Nephritis* IOH. FERNEL. in *patholog.* Lib. VI. Cap. XII. *Universae Medicinae* p. 534. DERMVT. DE MEARA in *Pathologia Hereditaria*. Cap. I. p. 243. *Calculi in pulmonibus*, MISC. NAT. CVRIOSOR. Decur. I. Anno 6 & 7. Observ. 221. p. 327.

Cataracta, GREG. HORSTIVS *Epistolarum* Parte I. Lib. 2. Epist. 2. (allegante Hoffmanno de Morbis Hereditariis §. 6.) ACTA HAFNIENS. Vol. IV. Observ. 70. p. 174. MART. SCHVRIG. in *Spermatolog.* Cap. IV. §. 34. p. 201. *Dolor*



Dolor capitis, MISCELL. NAT. CVRIOS. Decur. 2. Anno 8. Observ. 12. p. 47. *pertinax cephalalgia*, WILLISIVS de *Anima Brutor*. Exercitatione f. Parte II. Cap. I. p. 247. & Cap. 2. in fine p. 290.

Epilepsia HIPPOCRAT. de *Morbo Sacro* Sect. V. & *Prorethricor*. II. Sect. XI. NICOLVS apud Marcell. Donatum de *Medica Hist.* Mirabili Lib. IV. Cap. 18. in fine : FERNEL. in *Physiolog.* Lib. VII. Cap. 6. p. 117. Operum a matre : ANDR. LAVRENTIVS in *Hist. Anat.* Lib. VIII. Cap. 2. Quæst. V. p. 290. similiter a matre IAC. HOLLERIVS Centuria 2. Curatione 47. BALTHAS. BRUNNER *Consilio* 16. p. 104. ZACVTVS LVSITAN. de *Praxi Medica Admiranda* Lib. I. Observ. 36. plures apud MATTHIAM MORONVM in *Directorio Medico Practico* p. 135. Edit. Francof. 1663. 4.

Erysipelas, ROB. LYONNET l. c. p. 82. CASP. THEOPHIL. BIERLING. *Adversariorum* Centuria I. Observ. 63. p. 124.

Fatuitas, FORT. FIDELIS de *Relat. Medic.* Lib. III. Sect. III. Cap. III. p. 398. WOLFG. HÖFER in *Herc. Med.* Lib. I. Cap. 6. p. 39. vel Edit. Noriberg 1675. in 4. Cap. 7. p. 57.

Febris. inconstans, in puero, a matre, ANGELVS VICTORIVS in *Consultationib. Med.* p. 137. *Ardens*, LYONNET p. 82. *Intermittens Quartana*, FERNEL *Patholog.* Lib. I. Cap. XI. p. 135. IOH. RHODIVS *Observationum Medicinal.* Centuria I. Observ. 12. LYONNET l. alleg. p. 82.

Intermittens Tertiana LYONNET. ibid. Synochos, IDEM ibid.

Fluxiones, FRANC. VALLESIVS in *Commentariis ad Lib. Hippocratis de Alimento*, editis cum Ejusd. Comm. in Aphorismos Hipp. Colon. 1589. in fol. p. 241.

Furunculus aut *Carbo malignus*, PHILIPP. SALMVTH. *Observ. Medic.* Centuria 2. Observ. 80.

Gutta Serena, IOH. DAN. MAIOR in *Diff. de Amaurosi* vel *gutta serena*.



Haemoptysis, G. W. WEDEL, in *Diff. de Aegro Haemoptoe laborante*.

Haemorrhagia Narium, MISCELL. NAT. CVRIOS. Decuria III. Anno 2. Observat. 227. Schol. p. 360.

Haemorrhoides, in pueris, VIT. RIEDLIN in *Lincis Medicis* Anno 4. Novemb. Observ. 21. p. 962. MISCELL. NAT. CVRIOS. Dec. 2 Anno 9. Observat. 124. p. 216. FR. HOFFMANN. de *Morbis Heredit.* §. 9.

Hydrops, HIPPOCRAT. *Prorretbicō* 2. Cap. XI. PLVTARCH. de *sera Numinis vindicta*, circa medium & finem.

Hypochondriacum malum, EPHEMERID. NATVRAE CVRIOSORVM Centuria V. Observat. 91. p. 171. FR. HOFFMANN de *Morbis Hered.* §. 9.

Icterus, PLVTARCH. de *sera Numinis vindicta* versus finem.

Intemperies biliosa & phlegmatica, HIPPOCRAT. de *Morbo Sac.* Cap. V.

Ischiadicum malum AVICENNA in *Canone*, Lib. III. Fen. 22. Tract. 2. Cap. 5. LVDOV. MERCATVS de *Morbis Hereditariis*, Operum Tomo II. p. 671. G. E. STAHL de *Hereditaria Disposit.* §. 34. seqq.

Lepra Arabum, AVICENNA Canonis Libro I. Fen. 2. Doctr. I. Cap. 8. in fine, VALESC. DE TARANTA in *Philonio Chirurgico.* Cap. XX. p. 840.

Lienes Magni HIPPOCRAT. de *Morbo Sacro.* Cap. V.

Longaeuitas, MISCELL. NAT. CVRIOSOR. Decur. III. Anno III. Observ. 116. p. 206.

Lues Venerea, F. FIDELIS alleg. loco GREG. HORSTIVS *Observationum Medicinal.* Lib. VII. Obl. XI. Operum Tomo II. p. 337. Edit. Goud. 1661. in 4. quae connata fuit: LAZ. RIVERIVS *observationum Med. Communicatarum* Obs. 26. quae item connata fuit. ROB. LYONNET de *Morbis Hered.* p. 8. MART. SCHVRIG. in *Spermatolog.* Cap. IV. §. 19. p. 193.

Malacia



Malacia, Pica, FIDELIS dicto loco p. 399.

Mania WILLIS. de *Anima Brutor.* Parte II. Cap. 12. MISCELL. NAT. CURIOSOR. Decur. III. Anno III. Observ. 61. p. 73. & Anno 7. 8. Observat. 49. p. 75. item Centuria VI. Obs. 71. p. 329.

Melancholia, PLUTARCH. de *sera Numinis vindicta* versus finem : BALDASSAR TIMAEVS VON GÜLDENKLEE in *Responsio Med.* IV. V. VI. VII. p. 866. Operum Edit. Lips. 1715. in 4. HERM. GRUBE de *Transplantatione Morbor.* Sect. II. Cap. I. p. 43. seqq. PET. FOREST. Lib. X. Observ. 13 & 15.

Mensium praecox eruptio, tarditas, anomaliae, STAHL. de *Hered. Disposit.* §. 38.

Muliebria, Graviditatis, Partus, Lochiorum, Lactationis pathemata STAHL, cit. l.

Mutitas & Surditas, FERNEL. *Pathologiae.* Lib. V. Cap. 6. p. 436. Operum.

Nephritis, vid. *Calculus.*

Ophthalmia, LYONNET d. l. p. 82.

Paralysis, STAHL. de *Hereditaria Disposit.* §. 39. *Digitorum paralysis*, ACTA HAFNIENSIA III. IV. Observat. 70. p. 173. seqq.

Phtisis, Tabes, HIPPOCRAT. *Prorrethico* II. §. XI. de *Morbo Sacro* § V. & *Epidem.* Lib. III. Sect. II. Aegrot. 6. in fine. PLUTARCH. de *sera Numinis vindicta* circa medium & versus finem. AVICENNA in *Canone* Lib. I. Fen. 2. Doctr. I. Cap. 8. in fine. FERNEL. *Patholog.* Lib. V. Cap. X. HIERON. FRACASTORIUS de *Contagione & Contagiosis Morbis*, Lib. 2. Cap. 9. in fine. Operum Edit. Venet. 1574. in 4. p. 90. FRANC. VALERIOLO *Observationum Medicinal.* Lib. III. Observ. 6. IOH. ALBERTVS SEBIZIVS in *Exercitationib.* *Pathologic.* p. 263. seqq. MICH. ETTMÜLLER in *Dissert. de chirurgia Infusoria* Cap. 2. Conclus. 6. §. 7. Operum Edit. Genev. 1736. folio Tomo IV,



p. 568. inprimisque Praxeos Lib. I. Sect. XVII. Cap. I. Artic. 2. Opp. T. II. p. 681. STAHL de *Hereditaria Disposit.* §. 37. MISCELL. NATVR. CVRIOSOR. Decur. II. Anno 7. Observ. 227. p. 430.

Pleuritis, FERNEL, *Pathologiae* L. I. Cap. XI. Operum p. 135. LYONNET p. 82.

Plica Polonica, IOH. HELWIG in *Observationib. Physico Medicis* Observ. 37. p. 134. seqq.

Podagra, vid. *Arthritis*.

Rheumatismus, ACTA MEDICARVM BEROLINENS. Decuria I. Vol. V. p. 55.

Salacitas, in puella, EPHEMERID. NAT. CVRIOS. Centuria III & IV. Observ. 156. p. 354. seqq.

Scabies, FR. HOFFMANN de *Morbis Hered.* §. 9. MISCELL. NAT. CVRIOS. Dec. 2. A. 8. Observat. 116. p. 254.

Scorbutus, HIERON. REVSNER in libro de *Scorbuto*: DRAWITZ vom *Scharbock*, Titulo 2. versus finem. GREG. HORST. *Observat. Medicarum* Lib. VII. Observat. 34. §. 12. Operum Tomo II. p. 387. GVALTER. CHARLETON de *Scorbuto* Cap. 2. Art. 5. FRID. DEKKERS in *Notis ad Praxin Barbettianam* Cap. 3. §. 17. VIT. RIEDLIN in *Lineis Medicis*. Anno 4. Octobr. Observat. 24. p. 872. aliique.

Scrophulae, Strumae, AND. LAVRENTIVS de *Strumis* Lib. 2. Cap. 2. p. 212. Edit. Paris. 1609. in 8. IOH. GEORG. KEYSLER in *Hodoeporico Germanico*, Epistola XXXVI. p. 401.

Sensuum debilitates variae, STAHL de *Hereditaria Disposit. ad varios affectus*. §. 40.

Somnambulatio, WILLIS de *Anima Brutor*. Parte I. Cap. XVI.

Stultitia PLATER, *Observationum* Lib. I. p. 2. HÖFER in *Hercule Medico* Lib. I. Cap. 7. p. 47.

Sudor perpetuus, NICOL. TVLPIVS *Observationum Medicarum* Lib. 3. Cap. 42. p. 255. Edit. Amstelaed. 1672. in 8.

Surditas,



Surditas, MISCELL. NAT. CURIOSOR. Decur. III. Anno IV. Observat. 67. p. 154. Conf. supra Mutitas.

Variolae lethales. IOH. BAPT. SYLVATICVS *Quaest.* 91. FRANC. RANCHINVS in *Pathologia Universali* Sectione II. Cap. 22. p. 144. Opusculorum edit. Lugd. 1627. 4. HOFFMANN de *Morb. Hered.* §. 8.

Vertigo, ROLFING. apud HOFFMANN, d. I. §. 6. STAHL de *Heredit.* §. Dispositione §. 39.

Vesiculae sive Vomicae Pulmonum & Hepatis, MARCELL. DONATVS de *Medica Hist. Mirabili* Lib. IV. Cap. 18. in fine.

Vitiligo alba, AVICENNA in *Canone* Lib. I. Fen. 2. Doctr. I. Cap. 8. versus finem.

Ulcus naris dextrae, a matre in filia, PHIL. SALMVTH. *Observationum Medic.* Centuria II. Obs. 81.

§. XII.

Ex his, quae de similitudine Liberorum cum Parentibus aut majoribus adhuc allata sunt exemplis videre licet, eam non minus in Naturali hominum statu, quam in Praeternaturali, non tantum in corporis ejusve partium conformatione & constitutione Animique viribus, sed etiam in effectis & accidentibus, i. e. in intima hominis Natura deprehendi. Unde summo certe probabilitatis gradu sequitur, ut talis similitudo profecta natave fuerit a genitoribus, sive ut parentes valeant liberos sui similes ex se se & ex natura sua procreare. Neutiquam enim verisimile fit, facta esse semina quorundam futurorum hominum seu parentum & liberorum ita per se sibi invicem similia, ut sine suorum parentum ope vel additamento naturam cum iisdem eandem exacte referant & in formam adeo consimilem increcant. Fac vero, ita similia esse semina: tamen quis credat, eadem non in alia parentum corpora infundi; quam eorum qui similem adeo secum naturam gerant?



rant? quum e contrario manifestum sit, saepe quoque dissimiles parentibus procreari liberos. Longe certe majorem veri speciem habet, Liberos id, quod in iis simile est parentibus ab ipsorum parentum genetrice nancisci virtue, quemadmodum furculum ex stirpe. Nam nec aliter existere possunt liberi, nisi opera parentum: & quum hi illis dent, quod sint, recte pro causa eorum affectrice naturali & essentiali habentur.

§. XIII.

Nimirum ex iis, quae circa Generationis negotium contingunt & observantur, a priori fortassis demonstrare licebit qualitates & affectiones liberorum, quae illis parentum similes sint, non aliunde, nisi a parentibus esse producive posse, & hac ratione nomen Hereditarium legitime mereri. Principio constat inter omnes semen Patris plane necessarium esse ad sobolem procreandam; tametsi non omne id, quod masculini seminis nomine comprehenditur, ad efformanda futuri hominis rudimenta impendatur, sed tantum minima ejus subtilissimaque particula. An Mater semen aliquod conferat dubitatum est. Antiqui Medici fere omnes in hoc consentiunt utrumque parentem aliquid in congressu conferre, unde flamina embryonis constituentur. Nominatim HIPPOCRATES 21) statuit & marem & foeminam materitiam futuri foetus feminalem utriusque sexus, i. e. marem rudimenta tam masculi foetus, quam foeminini, gestare & perinde mulierem: utrumque semen si in coitu commisceantur tum, si masculinum semen fuerit robustius, foetum nasci masculini sexus, si contra muliebris seminis major vegetiorve fuerit virtus, formari puellam. Hippocrati astipulatur GALENVS, & totus fere Medicorum veterum chorus.

§. XIV.

21) *de Genitura* Cap. VII. de *Diaeta* Lib. I. passim, de *Natura Pueri in principio*. &c.



§. XIV.

ARISTOTELI 22) tamen cum suis sectatoribus aliter visum est. Refutat enim eam sententiam, quae mulieribus semen adscribit; neque hoc ex eo comprobari posse ait, quod mulieres nonnunquam in coitu vel in libidinis aestu humorem profundunt: hunc enim asserit non esse semen. Verum ut de recentioribus experimentis, quae cooperantem foeminarum materiam seminalem astruunt, nihil dicam; jam olim MELCHIOR SEBIZIUS 23) ex ipsis certis, quae veteribus de genitalibus partibus earumque functionibus jam cognita erant, principiis & ex observationibus communibus ostendit, Mulieribus utique etiam suum inesse semen, idque prolem procreandi virtute donatum: ut, quia tantus vasorum omnis generis apparatus ad aliud elaborandum praesto est: quia in opere conjugali ferventiore plane aliquid projiciunt: quia pollutiones experiuntur, & quae sunt reliqua. Unde etiam reliqui Philosophi communem sequuti sunt opinionem, quam LVCRETIUS CARUS 24) his verbis exprimit,

Semper enim partus duplici de semine constat,
patrio scilicet & materno, ut ante dixerat. Quanquam sunt quoque recentiorum nonnulli, qui mulieribus semen foecundum omnino abjudicent.

§. XV.

Parum tamen explicate in veterum scriptis docetur, quid illud sit, quod stamina futuri hominis contineat & sic verum semen

22) de *Generatione Animalium* Lib. I. Cap. 19 & 20.

23) in *Exercitationibus Medicis*, Disp. 31. Problemate VI. & Disp. 32. tota, vel Edit. Argentorat. 1672. in 4. p. 302. seqq.

24) de *rerum Natura* Lib. IV. versu 1223. Conf. ROB. LYONNET. c. l. p. 5, & 80. seqq.



semen constituat: Nisi forte HIPPOCRATES vel quisquis autor est libri I. de *Diaeta* in Hippocraticis Operibus reperiundi, hanc rem luculentius exquisitiusque exposuit. Scilicet doctrinae, quae isthic traditur, de Generatione haec summa est: Existere Animas, i. e. substantias ex Igne & Aqua tanquam communibus omnium rerum naturalium principiis, compositas: has in omnibus animantibus ejusdem esse naturae vel essentiae: easdem ingredi in corpora hominum congrua, in his justo tempore & loco augeri, & corpus ipsis apponi ex partibus, unde corpus parentis constat, & quae similiter in hominem foris ingrediuntur: in coitu vel ab utrisque parentibus emitte semen ejusdem sexus, vel ab altero masculum, ab altero faemineum, semper autem confundi inter se se Animas, quatenus ex iisdem constant principiis; sexum vero eum nasci, qui fortior in concursu fuerit, & quae sunt reliqua latiusque & summa cum eruditione exposita sunt a Viro Celeberrimo JOH. MATTH. GESNERO in *Diss. de Animabus Hippocratis*, Goettingae 1737. in 4. & in *Commentariis Societatis Scientiarum Goettingensis*, Tomo I. p. 67. seqq.

§. XVI.

Caeterum accuratior inquisitio ostendit in Mulieribus existere corpuscula quaedam utcunque *globosa*, juxta uterum sita; materiam intus membranis includentia, hinc propter figuram pariter ac reliquam similitudinem Ovula dicta, sive sint tantum illa in visum incurrentia, sive adhuc minora in luteis, quae vocantur, corporibus delitescunt: De quibus quid a vetustissimis usque temporibus adhuc disputatum sit, complures enarrarunt, e. c. CHRISTIAN. FRIDERIC. GARMANNVS in *Oologia*, ALBERT. HALLERVS ad *Boerhaavii Institutiones Medicas* §. 669. 670. caet. Et quanquam fuerint, & adhuc sint, qui Ovula haec negent ad concipiendum foetum esse facta, aliisque



aliisque modis conjunctionem masculini ac foeminini seminis explicare satagant, in quibus est Vir celeberrimus Dn. DE BVFFON 25); tamen credendum potius erit, tot oculatissimorum testimoniis ovula afferentium, adeoque captis experimentis confirmantium, sese impraegnata ovula tum in ovario, tum in Fallopiana tuba, tum in ipso utero deprehendisse; qua in re praesertim curiosissimi RVYSCHII industria emicuit. 26) Hoc constat, si sola tantum ovaria, quibus ovula haec comprehenduntur, exsecta vel destructa fuerint, ut fit in animalibus quae castrantur, caeteris partibus integris manentibus, tunc pariter infœcunditatem consequi, ac si mares testibus privantur. Quapropter necesse est, ut in ovariis aliquid existat, quod ad impraegnationem concurrere debeat: & hoc illud est, quod Muliebse semen recte vocari videtur. Adeoque in hujusmodi ovulis, observatum est, a solertissimo naturae indagatore MARCELLO MALPIGHIO jam ante virilis seminis accessum sive impraegnationem rudiora futuri foetus lineamenta deprehendi, quae vero demum post foecundum cum mare congressum perfectiora fiant 27). Unde colligendum videat-

25) in *Histoire Naturelle avec la Description du Cabinet du Roy* Tome II. Chap. V. p. 80. seqq. versionis Teutonicae, & Chap. VI. seqq.

26) Vid. FRID. RVYSCHII *Thesaurus Anatomicus* VI. ISBRAND. DIEMERBROECK in *Anatome Lib. I. Cap. 24. Operum* p. 135. ACTA HAFNIENS. 1673. p. 5. seqq. MISCELL. NATVRAE CURIOSOR. Decur. I. Anno 6 & 7. Observat. 196. p. 287. CLERICI & MANGETI *Bibliotheca Anatom.* p. 550. LITRE *Memoires de l'Academie des Sciences*, Edit. Paris. Anno 1701. p. 109. seqq. p. 143. seqq. *Histoire* 1703. p. 42. num. 13. *Medical Essays by a Society in Edinburgh* Vol. V. Part. I. Artic. 22. p. 336. seqq.

27) *Operum* Tomo II. de *formatione pulli*, p. 2. Edit. Lond. 1686. fol. Conf. BVFFON. alleg. 1. Tome II. Chap. VI. p. 61. versionis Teutonicae.



videatur, maris semen majore praeditum esse virtute agente.

§. XVII.

Quum itaque certum sit, in utroque parente tale quid existere quod ad primordia foetus constituenda necessarium sit, h. e. foecundum semen; considerandum est, unde proveniat illud semen, & quam operose elaboretur? Hic cogitemus ingentem vasorum omnis generis apparatus in utroque sexu conditum esse, qui ad hoc unum spectat, quo semen conficiatur. Nam universum spermaticorum, sicut appellantur, vasorum systema concurrit, in foeminis quidem ad ovaria, in maribus autem ad testes. Ut igitur in reliquo corpore per ejusmodi structuram vasorum organicam aliquid in extremo, ad quem pertingunt, loco secernitur: ita quoque in testibus ovulisque peculiarem aliquem humorem deponi, nullum restat dubium. Neque tamen hic feminalis humor aliter ita perficitur, ut ad sobolem progenerandam idoneus sit, nisi postquam perfectum adultae aetatis terminum attigit homo, & nisi justis partium viribus polleat. Unde sequitur, ut haec materia sit elaboratissimae exquisitissimaeque naturae & tanquam delibatus totius opificii humani vel animalis oeconomiae flos. Qui quod non in alia loca confluat quam in testes muliebres ac viriles, ejus rei rationem jam pulchre reddidit HIPPOCRATES 28), docens hoc fieri propter aptam loci convenientiam.

§. XVIII.

Jam vero MALPIGHIANIS 29) praesertim observationibus comprobatum est, post factam conceptionem illud in ovulo con-

28) de *Diaeta* Lib. I. Cap. VII. Commata 14 & 21 seqq.

29) in *Operibus Posthumis* Lond. 1697. fol. p. 81 seqq. Add. RVYSCHIVS G. L. THEODOR. KERKRING. in *Anthropogenia*. IOH. BAPT. BIANCHI in *Historia de Generatione*, Tabula I. &c.



conclusum rudimentum hominis cum partes solidas certa figura posituque conformatas habere, tum proprio vitali fluidorum in iis contentorum gaudere motu. Quam in re quum organismi conceptus versetur, sequitur, ut organica ratione jam constructum sit illud principium hominis. Talem Microcosmi fabricam a particulis in feminali materia confusis per se caeco construi posse impetu, non magis credibile est, quam arborem herbamve ex fortuito Atomorum concursu nasci & crescere, non ex semine quo jam minima totius plantae lineamenta comprehenduntur, ut experimentis constitit. Restat, ut vel potens ad hoc efficiendum opifex adsit, qui talem adumbratam hominis figuram ab initio construat: vel ut feminalia hominum stamina jam ante condita sint, quae demum in parentibus incrementum capiant. Quod ad opificem attinet, is Divina Creatoris virtute polleat, necesse puto: siquidem nihil interest, utrum in prima rerum omnium origine conditum aliquid sit, quod nimirum Dei Creatoris opus est; an postea demum ab integro condatur. Quare nec Animae Rationali parentum aut ipsius embryonis hanc vim tribuere licebit: praesertim quum haec nec quicquam ejus negotii sibi conscia sit. Pariter nec ad aliam quamcunque praeter Deum, virtutem Creatricem confugere licet. Deum intercedere & feminalem parentum materiam in futuri foetus formam coaptare, nullam habet veri speciem: Nam quum semel omnium rerum stamina feminalia creare potuerit, hoc utique in prima rerum origine factum esse longe probabilius est, quam novam semper comminisci creationem.

§. XIX.

Quare, quum nec fortuito casu coagmentari queat humana fabrica sua vi subsistens agensque: nec Rationalis Anima, vel quaelibet alia creata vis, potentia, talem organicam sub-



substantiam procreandi gaudeat : nec Deum omnipotentem deceat advocare ad singulas de integro fingendas hominum species; nihil amplius superest, nisi ut statuamus Deum in principio rerum universalium cuncta simul & semel condidisse prima futurorum hominum omnium elementa seu seminalia flamina, quae demum in parentum locis genitalibus (sive ibi jam a principio lateant, sive cum aëre vel assumtis aut applicatis ingrediantur, nunc non disputo, quanquam posterius magis credibile videatur) in perfectam hominis formam excrescat. Qua in re similitudinem aut analogiam deprehendere licet, inter plantarum & animalium genus: quemadmodum enim vegetabilium primae quasi lineae jam in seminibus ipsorum reconditae sunt, quae deinde per appositionem nutrimenti in justam magnitudinem atque habitum increscunt: similiter animantium & in his quoque hominum prima flamina jam ante conceptionem in seminibus abdita latent, & posthaec tantum magis explicantur.

§. XX.

Facile autem perspicitur, haec prima partium omnium initia, quae prolis quasi compendium constituent, non nisi minima esse posse. Eadem porro flamina, suis singula locis posita, in confessio est, deinde magis magisque augeri, & veri hominis speciem adipisci, h. e. explicari, produci, in alium situm positumque mutari, quemadmodum videri potest apud MALPIGHIVM, RVYSCHIVM, KERKRINGIVM, aliosque qui continuum embryonis incrementum descriptione & figuris exposuerunt. Crescere vero foetum, & in varias subinde figuras transmutari, per nutrimentum ab ovulo & humore seminali primum, posthaec, & plurimam quidem partem, ab utero receptum, motumque vitalem, eximie demonstravit BOER-



HAAVIVS 30): Caeterum in hac amplificatione semper homogenea partibus jam praesentibus apponi putandum est, & nutrimenti applicationem non nisi primae ac seminali fabricae convenienter i. e. ad praescriptum partium jam ante in staminibus delineatarum, fieri posse: sive ut HIPPOCRATES 31) ait, *Locum singula suum obtinent, ac servant: Peregrina vero, quae non sunt ejusdem modi, ex alieno seu minus congruo loco extruduntur, neque enim potest quod non est ejusdem generis, in locis non convenientibus consistere, sed tum demum particularae, quum sui similibus commiscuntur, cohaerent: Congruum enim assidet congruo: incongrua contra sibi mutuo adversantur, pugnant & discedunt a se invicem.* Et tali modo omnia in generatione Mechanice contingunt: nec opus est confingere plasticam aliquam virtutem, similemve incognitam potestatem. Et quanquam principium movens in istis foetus rudimentis adesse oportet, tamen ad efformandum corpus materiale quandam Animam seu spiritum subtilissimum pariter ac mobilissimum, sufficere puto.

§. XXI.

Quae quum ita sint, concludendum erit, ipsam illam minimam particulam feminalem, quae principium dat conceptui foetuique futuro, non esse a parentibus, sed per se subsistere, & tantum in parentum corporibus, maximeque in genitalibus locis, augeri variasque subire mutationes, tam ante conceptionem, quam post. Non enim repugnat, quin ejusmodi stamina utpote ex materia reliquarum rerum naturalium conflata, per mutuam aliarum particularum actionem & incur-

30) in *Institutionibus Medicis* §. 675. seqq.

31) de *Diaeta* Lib. I. Cap. VII. Commate 14. 17. 22. seqq.



incursum quasdam compressiones, extensiones, dimotiones, distorsiones, additamenta, detrimento, pluresque alias mutationum vices patiantur. Unde variae imprimis adeo rudimentis existere possunt affectiones conformationesque, ad quarum modum deinde totum corpus construitur. Interim existimandum est, magis constantem neque ita mutationibus obnoxiam esse horum principiorum fabricam quam eorum quae postea a parentibus & alimentis accedunt. Idem animalculum ut ita dicam, non videtur interire totum, sed etiam post mortem corporis, quod postea per nutritionem accessit, superesse: sed tamen ita mutatum, ut in conceptione praesentes partes solidae, lineamenta foetus constituentes vere nomen *spermaticarum* mereantur, quod a veteribus 32) quidem omnibus illis partibus tributum est, quae immediate ex feminis crassamento coalescunt.

§. XXII.

Quae porro ad istud ultimum humanae formae principium accedunt & ipsi quasi corpus faciunt, duplicis generis sunt: Velenim a seminali patris matrisve materia accrescunt, vel post conceptionem a materno sanguine adducuntur & in foetus naturam habitumque transeunt. Ea quidem, quae post editum partu infantem accidunt, quum ad praesens Hereditariorum affectionum argumentum proprie non pertineant nunc silentio praetermitto. Seminalem parentum materiem ex omnibus, quae quidem in foetus rudimentis efformandae erunt, partibus parentum essentialibus decerptam esse, saltem istis partibus homogeneas particulas continere debere, diffiteri non licet:

32) vid. MELCH. SEBIZIUS l. c. p. 116. 119. 188. DAN. SENNERTVS in *Institutionibus Medicis* Lib. I. Cap. X. p. 9. seqq. Edit. 4. Wittebergi 1644. in 4.



licet: Similes enim, vel homogeneas partes non nisi ex homogeneis misceri, & coalescere posse, manifestum est. Id quod tamen haut aliter intellectum velim, quam ut statuam, partes parentum ad illas foetus fingendas concurrere debere, quatenus virtutem tales constituendi partes possident, non ut reapse iam constitutae sint. Caeterum liquet staminum embryonis mechanisimum seu structuram & confirmationem utique concurrere debere ad singulas partes effingendas. Accedit, quod feminalis humor non nisi post longam atque operosam in parentibus elaborationem ac secretionem perficitur, & ad generandam prolem idoneus fit: Quam ob causam cum ex abditissimis corporis parentum penetralibus depromptum esse oportet. Nec minus sequitur, ut hae in genitale semen confluentes particulae naturam, proprietates, affectionesque corporis & partium, ex quibus ita depromptae sunt, expresse referant: Unde non potest non existere insignis inter parentes natosque similitudo. In eam denique, quae modo proposita est, sententiam interpretanda vel admittenda videtur antiquorum opinio qua tradiderunt, semen ex omnibus & singulis corporis partibus membrisve provenire 33).

§. XXIII.

Quae ad conceptum embryonem ex materno sanguine per nutritionem adjunguntur, pariter qualitates & affectiones matris, quatenus eae in sanguine resident, non possunt non secum vehere atque in foetum transferre, & hactenus similitudinem cum matre inducere. Nam & cibus potusque, quibus editus in lucem homo fruitur, cum alimento dotes suas corpori imprimunt. Quanto magis sanguis, exquisita oeconomiae

33) Vid. praeter alios SEBIZ. & SENNERT. alleg. II. ille quidem Exercitat. 33 & 34. f. pag. 32 seqq. hic vero p. 80.



miae animalis omniumque viscerum ac vasorum actione elaboratus? Non tamen ita alte haerere putandae sunt affectiones, quae per maternum sanguinem in foetum inferuntur, quam eae, quae per seminales humores applicantur. Nam quia seminales pariculae primum, adeoque in ipsis rudimentorum foetus initiis, & origine cum iisdem coalescunt, posteaque per subsequentes aliarum particularum appulsus perpetuo magis ac magis affiguntur; cum intimius intrant in contextum corporis; tum fortius haerent, quam eae quae posthaec accedunt & cum sanguine materno importantur.

§. XXIV.

Quoniam itaque, ut ex iis, quae adhuc allata sunt manifestum est, embryo partim ex semine utriusque parentis, partim ex materno sanguine construatur, & inde complementum sui corporis in utero accipiat: ab ambobus autem principiis non possit non similitudinem cum generantibus, eorum naturam, qualitates, proprietates, & affectiones referre: hoc denique Hereditarium appellatur, quod liberi a parentibus habent & contrahunt, sequitur ut reapse dentur Hereditariae in natura liberorum qualitates. Et sic videmus Rationem a priori quoque cognoscere, quod Experientia in exemplis ostendit: & quod haec tantum verisimile fecit, illam certo comprobare ac demonstrare. Porro ex positis plurima, quae in materia generationis occurrunt explicatu difficilia atque perplexa, plana sunt: ut, unde similitudo liberorum cum parentibus? ab homogeneis in semine succisque parentum particulis, quae foetui inolescunt & coagmentantur. Cur gemelli plerumque sibi similes? vid, SEBIZ l. c. Exercitatione XLIII. Problemate VI. quia simul ex eadem seminali materia concipiuntur eodemque matris humore nutrimentum capiunt. Cur plerumque aliquas cum utroque parente similitudinis notas gerant liberi? nimirum



rum quia ex utriusque parentis semine succisque conflatur embryon. Cur idem saepius plus similitudinis cum matre habeat, & praesertim in Hybridis magis matrem referat animal, ut ex vulpe matre & cane patre animal nascitur, quod ad vulpis similitudinem propius accedit, ex equa & asino mula &c.? quia longe maximam sui partem foetus nutrimento a matre accepto debet. Cur nunc patris formam ac naturam expriment nati, nunc matris? prouti plus ex semine matris vel patris accepere. Cur morbida dispositio ipsaque matris necessitas ab Adamo usque perpetuo propagata sit? quia parentes semper sui similes procrearunt. Et quae sunt ejus generis alia. Quanquam autem haec ita se habeant, & similitudo liberorum cum parentibus sic satis constet; tamen non putandum est, non posse etiam nasci liberos multis in rebus parentibus dissimiles, quod experientia docet. Quot enim non aliae causae in foetum agere possunt, quot ipsi casus in utero accidere? verbo quot Adventitiae, Connatae similem contingere affectiones. Ut nihil dicam de iis, quae post partum a lacte nutritio, ab alimentis, ab educatione, a consuetudine, a caeteris accedunt.

§. XXV.

Vidimus, corpus hominis fere totum ex particulis componi, quae extrinsecus accedunt & primis partium feminalibusve staminibus apponuntur, implicantur, coalescunt; quae quidem a veteribus dictae sunt *Sanguineae* sive *Carnosae* partes, quanquam *Spermaticae* quae ab iisdem appellatae sunt, hinc etiam quadamtenus pertineant, si ad eorum mentem id vocabulum explicetur, sicut supra dictum est. Hae igitur partes, quae corporis molem efficiunt, quum tantum feminalibus vere dictis adjungantur, non autem originariae sint, propterea videntur & amitti consumique & denuo regenerari sine interitu functionis posse, modo seminales fibrae & vascula resti-



terint integra: veluti pluribus demonstrat ROBERTVS LYONNET de *Morbis Hereditariis* p. 5 & 8. Hinc videre licet quotidie deperditas vulneribus, fracturis, attritu, resectione aliisve causis, partes etiam solidas, cutem, ungues, pilos, ossa, carnem, virtute naturae renasci, facultateinque suam recipere nisi majus aliquod impedimentum obstiterit. Hanc sententiam quoque mirifice confirmat TAGLIACOTIANA *Curtorum Chirurgia*: quam non solum scriptis publicis traditam esse, sed & opere monstratam, locuples cum aliis testis est DANIEL SENNERTVS 34).

§. XXVI.

Ex eadem ratione sequitur, ut similitudinis in liberis species, proprietates, affectiones & Morbi Hereditarii possint mutari, supprimi, aboleri, si fortiores causae contra egerint vel applicatae fuerint, aliasque qualitates induxerint. Quas tamen causas contrarias oportebit esse satis valentes satisque diuturnas, pro diversa proprietatis aut affectionis Hereditaria firmitate. Nimirum quoniam, ut ex superioribus in memoriam revocandum est, corpus foetus ex duplici materia componitur, seminali altera, altera ex sanguine matris: in solo autem corpore illa, de qua loquimur, similitudo & hereditariae qualitates locum habent, (nam prima futurorum hominum elementa, corporis proprie dicti expertia, in omnibus eadem sunt,) hinc quoque duplex existit qualitatum hereditariorum genus, unum illarum, quae cum ipso seminali liquore migrant in posteros, alterum earum quae cum alimento a genetrice subministrato transmittuntur. Quapropter in universum quidem facile existimare licet, omnes Hereditarias proprietates esse stabiles superatque perdifficiles: attamen illas, quae cum
semine

34) *Institutionum Medicinae* Lib. V. Parte II. Sect. II. Cap IV. p. 1209. Alios excitat IOH. ZACHARIAS PLATNER *Institutionib. Chirurgiae* §. 593. & ALBERTVS AB HALLER ad Boerhaavii *Methodum Studii Medici* p. 229. it. p. 322.



femine complicatae sunt, firmiores habere radices, autumandum est, quam istas quae ex sanguine matris originem trahunt.

§. XXVII.

Rursus quia tam Humores quam solida foetus ex parentum materia procreantur, non tantum firmarum, sed fluidarum quoque partium qualitates fieri possunt Hereditariae: praesertim quum utraque ita inter se connexa sint, nec neutrum sine altero consistere queat, sed unum ab altero pendeat, & affectiones sibi suas mutuo tradant. Proinde hac in re, cum DERMVTIO DE MEARA 35) dissentiendum existimo ab ANDREA LAVRENTIO 36) ROBERTO LYONNETO 37) FRIDERICO HOFFMANNO 38) caeteris, qui solidarum tantummodo partium morbos existere Hereditarios asserunt, & cum semine, non cum materno sanguine in natos traduci. Ex quibus tamen paulo inconstantior LYONNETVS, primum quidem eos modo morbos a fluitantium humorum prava qualitate provenientes excipit, qui nativam solidarum partium temperiem nondum mutarunt, vel qui ab humorum vitio solidis partibus nondum communicato emergunt: deinde vero non diffitetur, materni sanguinis commercio salubrem aut morcidam dispositionem transferri; nec dispositionem tantum, sed quendam velut habitum; non eum quidem firmum & stabilem, sed fluidum & mutabilem, caet. Neque hoc ego non concedo, ut a materno sanguine morbus in foetum transeat, eum firmiter diutiusque sanguini matris impactum esse debere, non ab occasionali quadam causa tempore demum gravidatis ortum esse, qualis

35) in *Pathologia Hereditaria* Cap. III & V. p. 251. seqq. & 261. seqq.

36) *Historiae Anatomicae* Lib. VIII. Cap. 2. Quaest. V. & Cap. 3. Quaest. IX.

37) de *Morbis Hereditariis* p. 8. seqq. & p. 80. seqq.

38) in *Diss. de Affectibus Hereditariis* §. 13 & 14.



lis morbus, si infantem quoque jam in utero corripuerit, vel ad morbos foetuum Uterinos vel ad Connatos referendus est. Neque valde repugnaverim, quo minus propter aliquam, quæ certe inter morbos, a seminali materia natos solidisque partibus inhaerentes & illos a sanguine matris inductos & in humoribus tantum hospitantes intercedit, differentiam, posteriores cum LVDOV. MERCATO 39) LYONNETO 40) HOFFMANNO 41), *improprie* aut non legitime *Hereditarii* seu *Spurii* vocentur.

§. XXVIII.

Igitur si qualitates Hereditariæ solidis partibus inoleverint, has utique fortius pertinaciusve resistere causis mutantibus, quam eas quibus fluida infecta sunt, facili est ad credendum. Mutationes autem vel interitus hujusmodi Hereditariorum qualitatum, pro diversitate originis & partium affectarum, varie contigisse observatum est. STAHLIUS 42) quidem affirmat, *morbidas dispositiones Hereditarias satis raro ad tertiam usque generationem admodum sensibilibiter pervenire, & longe rarius, immo rarissime, hanc transcendere, excepta tamen convulsione.* Verumenim vero ne hoc assertum ita simpliciter admittam, suadet partim HIERON. FRACASTORII 43) auctoritas exempla afferentis *quarundam familiarum, in quibus usque in quintam & sextam generationem omnes eadem tabis conditione perire, & quidam eadem ætate: partim recensitæ in enumeratione qualitatum affectionumque Hereditariorum species, sigillatim Atretorum, Sedigitorum, Gentilitiarum, Notarum, quæ per longas generantium & generatorum series perpetuæ fuere.* Cui opinioni adhuc majus accedit robur, si Nigrum Aethiopum colorem, aliasve congenitas pro-

sapiarum

39) *Operum* Tomo II. p. 673.

40) l. c. p. 8. seqq. & 80.

41) d. l. §. I.

42) de *Dispositione Hereditaria* §. 74 & 75.

43) de *Morbis Contagiosis* Lib. II, Cap. IX, in fine.



sapiarum similitudines contemplantur, quae multis saeculis inextinctae perdurarunt. Aethiopum tamen colorem debilitari adeoque immutari & paulatim exolescere constat in liberis, si diversi coloris parentes conjunguntur. Per graves morbos magnas aliquando factas esse in natura corporis mutationes exemplis deprehensum est: neque dubitandum est, tali modo nonnunquam Hereditarias affectiones tolli posse. Maxime tamen fas est credere, Hereditariam dispositionem validiore alterius feminis aut sanguinis incorrupti virtute immutari, vel contraria victus ratione aut curatione semen parentum inverti posse, ut sic prior affectio sponte hebetetur, *quum sit merum accidens*, ceu loquitur LYONNETVS 44).

§. XXIX.

Ex his colligi potest, minus recte rationes subduxisse eos autores, qui in universum insanabiles esse, dixerunt morbos hereditarios ut ARNALDVS DE VILLA NOVA 45) RODERICVS A CASTRO 46) & alii apud DERMVT DE MEARA 47). Nimirum licet effectus seu morbus actu coortus, & actiones humanas pervertens, abigatur vel ut scribit BRVNO SEIDELIVS 48) *et si aliquando summa cura & victus accuratissima observatione nonnihil sublevatus esse videatur, nunquam tamen, credunt, proclivitatem ad ista mala penitus eximi, quin levissimo etiam errato commisso ille redeat; adesse enim & inhaerere congenitam impotentiam naturalem ad sanitatem integram. Potius astipulandum erit HIPPOCRATI, qui epilepsiam sanabilem dicit,*

44) l. c. p. 9.

45) in *Paraboli Medicationis, Doctrina IV. Cap. XIX. Aphorismo* 8. p. 983. Edit. Basil. 1585. fol.

46) in *Medico Politico* III. 18.

47) d. libro Cap. XI. p. 298. seqq.

48) de *morbis Incurabilib.* p. 9.



cit, quamvis hereditaria sit, in Libro *de morbo sacro* 49) & DERMVTIO DE MEARA qui *etiam hereditarios affectus non esse insanabiles*, in uniuersum pronunciat 50).

§. XXX.

Porro, quum omnes corporis nostri qualitates & affectiones vel in solidis consistant, vel in fluidis: & nihil praeter haec duo in corpore reperiatur: eademque omnibus physicis mutationibus subiecta sint; sequitur, ut etiam omnis generis & modi qualitates fieri possint hereditariae, speciatim cum IOH. FERNELIO 51) FORTVN FIDELI 52), aliisque, contra DERMVTIVM DE MEARA 53) ROB. LYONNETVM 54) aliosque statuumdum erit, etiam omnes morbos posse fieri hereditarios, si reliquae, causae ad eos producendos concurrerint. Adeoque suffragatur huic sententiae recensio tot hereditariorum morborum supra propositus.

§ XXXI.

Animadversione dignum est, quod quanquam plerumque a parentibus proxime in liberos transeant proprietates hereditariae, tamen aliquando ab Avibus aliisque Majoribus demum ad Nepotes & ultiores Posteriores exortum suum differunt, ita ut liberi interim proximi & propinquiore sanguinis heredes ab earum effectu immunes maneant. Vetustissimam hanc observationem his versibus comprehendit LYCRETIVS 55):

Fit

49) Cap. V.

50) alleg. l. p. 300 seqq.

51) *Pathologiae* Lib. I. Cap. XI.

52) *de Relationibus Medicor.* Lib. III. Sect. III. Cap. III. p. 399.

53) in *Pathologia Hereditaria* Cap. III. p. 253. seqq.

54) in libro saepius allegato passim.

55) *de rerum Natura* Libro IV. vers. 1212. seqq.



*Fit quoque, ut interdum Similes existere Avorum
Possint, & referant Proavorum saepe figuras (liberi)
Propterea quia multa modis primordia multis
Mista suo celant in corpore saepe Parentes,
Quae Patribus Patres tradunt a stirpe profecta.*

Idem confirmant partim etiam exemplis in medium allatis
corroborant, HIPPOCRATES 56) ARISTOTELES 57) C. PLINIUS
MAIOR 58) VALESCVS DE TARANTA 59) AMBROSIVS PARAE-
VS 60), LVDOV. MERCATVS 61) FORTVNATVS FIDELIS 62),
DERMVTIVS DE MEARA 63) PET. BORELLVS 64), ROB. LYON-
NET 65), CASPAR A REJES 66), VITVS RIEDLINVS 67) MAR-
TIN. SCHVRIGIVS 68) IOH. HENRICVS DE HEVCHER 69) caet.
Adeoqve CASPAR. A REJES 70) suo quidem tempore, testatur
in quam plurimis frequentius contingere, ut filii magis,
quam parentes, avunculos (forte avos) in similitudine velut
rediviuos reddant. Quum itaque in intermediis generationi-
bus

56) de *Morbo Sacro* Cap. V.

57) de *Historia Animalium* Lib. VII. Cap. 6. (in edit. Maussaci
Cap. 9. Sect. 79. p. 831.) & de *Generat. Animal.* Lib. I.
Cap. 18.

58) in *Historia Naturali* Lib. VII. Sect. X.

59) in *Philonio*, loco supra allegato.

60) *Operum seu Chirurgiae* Lib. XXIII. Cap. 2.

61) de *Morbis Hereditariis* d. I.

62) dicto loco, p. 403.

63) c. I. Cap. I. p. 241. & Cap. X. p. 291 seqq.

64) *Observationum Medico Physicarum* Centuria I. Observ. VII.
p. 14.

65) de *morbis hereditariis* p. 9.

66) in *Elyseo Campo* Quaestione LIV. per totam.

67) in *Lineis Medicis* Anno III. Decembr. Observ. 21. p. 875.

68) in *Spermatologia* Cap. IV. §. 37. 38.

69) *Operum* Tomo I. p. 3.

70) c. I. p. 404.



bus causa suppressa delitescat, nec in ipsam affectionis formam progerminet, causae adsint necesse est, quae impediant, quominus emergere queat ista similis qualitas. Tales autem sunt vel res, quae hereditariam dispositionem opprimant, ne possit in manifestam affectionem erumpere: vel absentia earum causarum & conditionum, quae ad excitandam affectionem concurrere debent.

§. XXXII.

Sic quod ad genus morbidarum affectionum hereditariorum attinet, inter omnes constat hujusmodi morbos plerumque non ab ipso statim natali die in infantibus apparere, sed saepius admodum longo post intervallo prodire, alios in pueritia, alios in juventute, alios demum senectutis tempore 71): Inprimisque eos morbos, qui certa aetate efflorescere solent, & in parentibus extiterunt, in natis ordinarie quoque non ante producuntur, quam eum aetatis terminum attigerint, 72) quem terminum si superaverint illaesi, postea ferme immunes manent 73). Annotat tamen Experientissimus STAHLIUS 74) nonnunquam in liberis hereditaria mala sese maturius, itemque fortius ac contumacius exserere, quam in parentibus fuerant. Ex cujus etiam observatione 75) rarius contingit, ut eminentes aliqui gravioresque affectus hereditarii in liberis formaliter erumpant, nisi prius affines atque conspirantes alii
quasi

71) LYONNET, p. II. & 82 seqq.

72) MERCATUS d. I. p. 67, seqq. LYONNET, p. 7. STAHL alleg. Diff. §. 41, seqq.

73) STAHL, ibid. §. 76, quod memorabili exemplo achorum & epilepsiae probat. Add. BOERHAAVIUS in *Praelectionib.* ab Hallero editis §. 736, p. 89, Tomi VI.

4) alleg. Diff. §. 43 & 79.

75) §. 43, usque ad 50 itemque 66, exemplis quoque in medicum allatis.



quasi praeluferint, qui quidem ad istos iuxta geneologia pertinent, interim parentibus vel plane non acciderant, vel certe nullo memorabili gradu aut impetu: praeterea quo praematurius hujusmodi affectus cooritur, eo certius etiam universam reliquam sui generis malitiam & pertinaciam habere ait, pedissequam. Horum phaenomenorum, & praesertim quod hereditaria dispositio non statim ipsum morbum profert, sed tamdiu velut in insidiis latet, ratio esse videtur, quoniam ad producendos morbos causae plures concurrere debent, nominatim occasionales & conditiones variae seu Circumstantiae, quae vocantur, quae excitent antecedentem dispositionem, ut proxima morbi causa nascatur: neque ipsa illa hereditaria dispositio ante perfecta & ad morbos parentum similiter in natis producendos satis efficax esse potest, quam in caeteris quoque conditionibus, & figillatim in tempore sive aetate, parentibus similes facti fuerint liberi. Illustratur hoc comparatione aliorum morborum, quorum causae admodum diu in corpore abditae latent, antequam ipse morbus exoriat: ut inprimis de hydrophobia constat, eam saepenumero longe post morsum rabidi canis in affecto corpore manifestam fieri 76). Reliqua phaenomena majori liberorum prae parentibus imbecillitati adscribi possunt.

§. XXXIII.

Similiter, si forte Pater cum suo semine morbosam naturam embryoni imprefferit, sed materni feminis ac sanguinis illibata virtus in generatione praevaluerit, malum tantisper oppri-

76) Vid. HERM. BOERHAAVIUS in *Aphorismis de Cognoscendis & Curandis Morbis* §. 1137. RICHARD. MEAD. in *Expositione Mechanica Venenorum*, Tentamine 2. de cane rabido, Operum Goettingae 1749 in 8. editorum Tomo I. p. 101.



opprimetur, donec in sequente debiliore generatione antiquas iterum vires resumat. Item si filius forte diem postremum obierit, antequam cum aetatis terminum attigerit, quo morbus hereditarius expectandus erat, in ipsius tamen liberis quos suscepit, si ad istam aetatem pervenerint, malum explicari poterit, quod in parente occultum delituerat. Etiam propterea liber manere potest pater e. g. a podagra, quod reliquae causae, quae ad excitandum morbum symbolam suam conferre debent, ut Bacchus Venusque artuum inferiorum debilitatio caet. illum vel fortunae, vel diaetae ac regiminis beneficio 77) non afflixere: qua felicitate, quia e contrario nepotes haut sunt usi, fieri aliter non potest, quam ut in morbos, quorum antecedentem causam ac dispositionem intra corpus foveant, incidant. Et tales casus plures fingi poterunt.

§. XXXIV.

Denique perpetuum non est, ut morbi aut vitia parentum in liberos transmittantur, licet hereditarii generis sint. Quemadmodum videmus, a claudis non semper claudos generari, neque a mutilis mutilos, a distortis distortos, ab arthriticis arthricos & sic porro. Primum enim omnes illae parentum affectiones haut propagantur, quae nondum suam femini labem impresserunt, nec sanguini matris profundius haerent. Deinde praesertim ii morbi & defectus, qui haut
na-

77) Refert SCHENCKIUS *observationum* editionis Francofurtensis anno 1609. in fol. p. 762 seq. ex IAC. HORSTII observationibus arthritidem hereditariam in Sebastiano a Dommendorf cuius patrem ischiaticum pariter ac matrem arthriticam, gravissime saepe decumbentes curaverat Horstius, anno aegri 31. praeservante curatione integre sublatam esse, ut nunquam postea redierit licet adhuc annis 20. superstes vixerit.



nativi sunt, sed post formatum editumque foetum ex variis causis procatacticis orti: ut si quis infelici lapsu claudus factus sit, aut in bello manu aut pede truncatus, aut podagram intemperantia sibi consciverit. Tales igitur morbi quum ex aliis causis quam ex semine maternoque sanguine, ortum trahant, proprie non sunt hereditarii: quam ob rem nec in natos hac via transferri poterunt. Tum, licet vitiosum in altero parentum semen, aut in matre sanguis fuerit, ut hinc foetum simili vitio contactum iri, timendum sit; tamen si alterius parentis natura sana vegetaque ac valens est, hanc par est, plurimum in generatione conferre, foetumque formare ac constituere atque ita corrigere alterius seminis pravitatem: Unde tum quoque illi saniori valentiorique parentum similem nasci videmus infantem, sicut pulchre observant FORTVNATVS FIDELIS 78) & FRID. HOFFMANNVS 79). Caeterum verbo admonere sufficiet, ut morbi a parentibus migrent in liberos, non necessarium esse, ut generatio in ipsa morbi praesentia, vel adeo paroxismo fiat, quae quorundam fuit opinio, quos inter alios refellit FRANCISCVS RANCHINVS 80) & si parum modo attendatur ad ea, quae in praecedentibus de origine & natura hereditariorum qualitatum & affectionum dicta sunt, facile per se corrumpit haec sententia.

§. XXXV.

Plura adhuc adjici possent, imprimisque per singulas qualitatum & affectionum, sive naturalium, sive praeternaturalium

78) *de Relationib. Medicor.* Lib. III. Sect. III. Cap. IV. p. 405.

79) *de Affectibus Hereditariis* §. XXXV.

80) in *Pathologia Universali*, Sect. 2. Cap. XXII. Operum p. 143 seqq.



ralium, species ostendi, quomodo eae fieri queant hereditariae, tum exponi ratio qua perversas vel minus placentes qualitates cavere, praevertere, tollere, emendare liceat, & quae requiri possent alia. Sed quum haec tractatio jam in satis justam excreverit molem, hic pedem figo, & si quae minus recte dixero, lectores aequos veniam rogatos volo.

